

Visoki predstavnik naglašava ulogu Agencije za promociju stranih ulaganja, i posjetio je jedan uspješan projekat stranih ulaganja

Danas je visoki predstavnik, Wolfgang Petritsch posjetio ured BiH Agencije za promociju stranih ulaganja (FIPA), gdje je sa direktorom Agencije Mirzom Hajrićem razgovarao o trenutnoj klimi za ulaganja.

Visoki predstavnik je naveo da direktna strana ulaganja danas ne predstavljaju samo prijeko potreban izvor kapitala za ekonomski razvoj, već znače i uvođenje novih ideja, vještina i tehnologija u BiH.

“Prisutnost stranih ulagača je signal svijetu da se BiH vratila na scenu, na kojoj ne samo da funkcioniра već je i konkurent u proizvodnji roba i usluga na domaćem, regionalnom i međunarodnom tržištu”, rekao je Visoki predstavnik.

Visoki predstavnik je pohvalio dosadašnje napore FIPA-e na povećanju obima stranih ulaganja u svim djelovima BiH, te pozvao Vijeće ministara da pruži punu podršku daljem jačanju i razvoju agencije.

On je takođe pozvao vlasti u BiH da nastave uklanjati stotine administrativnih prepreka koje koče ulaganja unutar zemlje.

Visoki predstavnik i generalni direktor FIPA-e su otputovali u Visoko gdje su posjetili Prevent Sarajevo d.o.o. Prevent, koji zapošljava 800 ljudi i specijaliziran je za proizvodnju automobilskih presvlaka za izvoz. To preduzeće je zajedničko

ulaganje, u kojem 80% uloga imaju Slovenci a 20% BiH.

Nakon pregleda proizvodne linije Preventa, Visoki predstavnik se sastao sa rukovodstvom i osobljem preduzeća.

Visoki predstavnik je naveo da je iskustvo fabrike u Visokom u pogledu ulaganja, proizvodnje i otvaranja radnih mjesta, dokaz da su u Bosni i Hercegovini moguće pozitivne promjene. "Ovo bi trebao biti primjer koji bi podstakao agencije za privatizaciju širom BiH da zaista obavljaju svoj posao i da ubrzaju privatizaciju i podstaknu ulaganja", rekao je novinarima, navodeći da se strana ulaganja ne odnose samo na cijenu za koju se kupi kompanija, već i na stvaranje radnih mjesta i dugoročno sudjelovanje u privredi.